

使淨人主應教先作塔事次作四方僧事次作飲食事次作可分物事次教與上座中座下座作如是周遍一切僧作聽立使淨人主者還立白衣中勤修能處分者法第八中具

十誦律卷第三十四

存四

鷄丁反 華必反 陸陸反 蓬蓬反 條條反 枕枕反  
 簣音道 箕音責 蓐音俱 檨音二 滓音二 瓠音史 蔓音下 萬音萬 毳音毳  
 輶音二 輶音二 向音向 闌音闌 輦音輦 鑰音鑰 居音居 塗音塗 壑音壑  
 媯音媯 潤音潤 春音春 檉音檉 蚊音蚊 釜音釜 鏤音鏤 塗音塗 壑音壑 涕音涕 唾音唾  
 劇音劇 長音長 劈音劈 抖音抖 擻音擻 勦音勦  
 裸音裸 捷音捷 毳音毳 熊音熊 膺音膺 脇音脇 陷音陷  
 罽音罽 毳音毳 鞞音鞞 醯音醯 廩音廩 師音師 燥音燥 漱音漱

十誦律卷第三十五

存五

姚秦三藏弗若多羅共三藏鳩摩羅什譯

第五誦之七

八法中諍事法第九

佛在王舍城爾時諸比丘共比丘諍惡口相言諸比丘尼共比丘尼諍諸式又摩尼共式

佛王泉

又摩尼諍諸沙彌共沙彌諍諸沙彌尼共沙彌尼諍惡口相言迦留陀夷比丘共諸比丘諍惡口相言已隨順佐助諸比丘尼是中有比丘少欲知足行頭陀聞是事心不喜呵責言云何名比丘共比丘諍已強佐助比丘尼如是呵已向佛廣說佛以是事集比丘僧知而故問迦留陀夷比丘汝實作是事不答言實作世尊佛種種因緣呵責迦留陀夷比丘云何名比丘共諸比丘諍惡口相言已強佐助諸比丘尼如是呵已語諸比丘從今有四種諍事出一者鬪諍事二者無根事三者犯罪事四者常所行事鬪諍事者如諸比丘共

比丘諍惡口相言是法是非法是善是不善  
 是中共諍故相助別異是名鬪諍事無根事  
 者如諸比丘共比丘諍惡口相言已出餘比  
 丘犯罪若有殘作有殘不作有殘作不作若  
 無殘作無殘不作無殘作不作若有殘無殘  
 作有殘無殘不作有殘無殘作不作是中出

犯罪無根故共相纏著是名無根事犯罪罪  
 者有五種犯犯波羅夷僧伽婆尸沙波逸提  
 波羅提提舍尼突吉羅若犯若汗若不悔是  
 名犯罪事常所行事者眾僧所作事若白一  
 羯磨白二羯磨白四羯磨布薩白恣立十四  
 人羯磨是名常所行事鬪諍事者以何為本

有十四破僧因緣及六鬪諍本是名鬪諍事  
 本無根事以何為本有三根本見根聞根疑  
 根若比丘與比丘鬪諍相言已身作罪令他  
 人說有殘作若有殘不作有殘作不作若無  
 殘作無殘不作無殘作不作若有殘無殘作  
 有殘無殘不作有殘無殘作不作若口若意

作罪令他人說有殘作有殘不作有殘作不  
 作無殘作無殘不作無殘作不作有殘無殘  
 作有殘無殘不作有殘無殘作不作從是中  
 出他罪異是名無根事根本犯罪諍以何為  
 本從何事起從五種犯起以五種犯為本有  
 犯身作非口非心作有犯口作非身非心作

存五

二

有犯身作心作非口作有犯口作心作非身  
 作有犯身作口作心作無但心犯從是犯起  
 是名犯罪根本常所行事以何為本從何事  
 起所作事從僧起僧為根本是名常所行事  
 根本所有鬪諍皆名諍事耶有諍事亦名鬪  
 諍耶有鬪諍非諍事有諍事非鬪諍有鬪諍

亦是諍事有非鬪諍非諍事有鬪諍非諍事  
 者若比丘但相道說未成鬪事有諍事非鬪  
 諍者三種諍事有鬪諍亦是諍事者若比丘  
 相道說亦成鬪諍事有非鬪諍非諍事者除  
 上三句所有無事諍皆名為諍事耶有諍事  
 亦名無事諍耶有無事諍非諍事有諍事非

無事諍有無事諍亦諍事有非無事諍非諍  
事有無事諍非諍事者但說他罪未起諍事  
有諍事非無事諍者三種諍事是有無事諍  
亦諍事者有比丘無事諍亦起諍事非無事  
諍非諍事者除上三句所有犯罪皆名諍事  
耶有諍事亦名犯罪耶有犯罪非諍事有諍

事非犯罪有犯罪亦諍事有非犯罪非諍事  
有犯罪非諍事者所名犯罪有諍事非犯罪  
者三種諍事有犯罪亦諍事者所名犯罪亦  
諍非犯罪非諍事者除上三句所有常所行  
事皆名諍事耶有諍事亦名常所行事耶有  
常所行事非諍事有諍事非常所行事有常

存五

三

所行事亦諍事有非常所行事非諍事有常  
所行事非諍事者所名作法有諍事非常所  
行者三種諍事有常所行作法亦諍事者常  
所行亦諍非常所行事非諍事者除上三句  
闕諍事為善為不善為無記或善或不善或  
無記云何名善有諸比丘善心共諍所謂是

法是非法是律是非律是名善云何不善有  
比丘不善心共諍是法是非法是律是非律  
是名不善云何名無記諸比丘不以善心不  
善心共諍是法是非法是律是非律是名無  
記無根事諍為善為不善為無記或善或不  
善或無記善者若諸比丘善心共諍出他比

丘罪有殘作有殘不作有殘作不作無殘作  
無殘不作無殘作不作有殘無殘作有殘無  
殘不作有殘無殘作不作是名為善不善者  
若諸比丘不善心共諍出他罪有殘作有殘  
不作有殘作不作無殘作無殘不作無殘作  
不作有殘無殘作有殘無殘不作有殘無殘  
作不作是名不善無記者若諸比丘不以善  
心不善心共諍出他罪有殘作有殘不作有  
殘作不作無殘作無殘不作無殘作不作有  
殘無殘作有殘無殘不作有殘無殘作不作  
是名無記犯罪事為善為不善為無記耶犯  
罪事或不善或無記不善者若諸比丘知佛

結戒故犯是名不善無記者不故犯佛所結  
 戒是名無記常所作事為善為不善為無記  
 或善或不善或無記善者若諸比丘善心作  
 白羯磨白二羯磨白四羯磨布薩自恣立十  
 四人羯磨是名善不善者若諸比丘以不善  
 心作白羯磨白二羯磨白四羯磨布薩自恣

立十四人羯磨是名不善無記者若諸比丘  
 不以善心不善心作白羯磨白二羯磨白四  
 羯磨布薩自恣立十四人羯磨是名無記長  
 老優波離問佛闍諍事以幾滅諍事滅佛言  
 以二滅諍事滅何等二以現前毗尼滅及多  
 覓毗尼滅又問世尊無根事以幾滅諍事滅

存五

四

佛言以四滅諍事滅以現前毗尼及憶念毗  
 尼滅現前毗尼及不癡毗尼滅現前毗尼及  
 實覓毗尼滅又問世尊犯罪事以幾滅諍事  
 滅佛言以三滅諍事滅現前毗尼及自言毗  
 尼滅現前毗尼及布草毗尼滅又問世尊常  
 所行事用幾滅諍事滅佛言以一滅諍事滅

現前毗尼滅闍諍事云何以二滅諍事滅隨  
 以何任處有諍相言比丘是事付闍賴吒闍  
 賴吒比丘應受此事如法如毗尼如佛教滅  
 若闍賴吒比丘能如法如毗尼如佛教滅者  
 是事名滅以一滅諍事滅謂現前毗尼現前  
 者人現前毗尼現前人現前者是中能說教

授人隨助舉事人有事人共集一處是名人  
 現前毗尼現前者如法如毗尼如佛教滅是  
 事是名毗尼現前若是闍賴吒不能如法如  
 毗尼如佛教斷是事者應捨付僧僧應受是  
 事如法如毗尼如佛教斷是事若僧能如法  
 如毗尼如佛教斷是事者是名為斷用一毗

尼所謂現前毗尼現前毗尼者僧現前人現  
 前毗尼現前僧現前者是中所所有可中共作  
 羯磨比丘共同心和合一處可受欲者持欲  
 來現在比丘能遮者不遮是名僧現前人現  
 前者有隨助舉事人有事人共集一處是名  
 人現前毗尼現前如法如毗尼如佛教斷是

存五

五



事是名爲斷若僧不能如法如毗尼如佛教  
斷是事者爾時應僧中立二烏迴鳩羅應羯  
磨此人令斷是事羯磨者一心和合僧一比  
丘僧中問言誰能作烏迴鳩羅如法如毗尼  
如佛教斷是事僧中若言我能若有五法不  
應立作烏迴鳩羅何等五隨愛行隨瞋行隨

怖行隨癡行不知斷不斷成就五法應立作  
烏迴鳩羅不隨愛行不隨瞋行不隨怖行不  
隨癡行知斷不斷即時一比丘應僧中唱言  
大德僧聽某甲某甲比丘能作烏迴鳩羅如  
法如毗尼如佛教斷隨僧中事若僧時到僧  
忍聽立某甲某甲比丘作烏迴鳩羅能如法

斷隨僧中事是名白如是白二羯磨僧立某  
某甲某甲比丘作烏迴鳩羅斷隨僧中事竟僧  
忍默然故是事如是持是二烏迴鳩羅比丘  
若是上座諸下座比丘應與此二人欲已遠  
去若此二烏迴鳩羅是下座應從諸上座取  
欲已小遠去當如法如毗尼如佛教斷是事

若二烏迴鳩羅能如法如毗尼如佛教斷是  
事者是名爲斷用一毗尼所謂現前毗尼現  
前毗尼者僧現前人現前毗尼現前僧現前  
如上說人現前毗尼現前亦如上說若二烏  
迴鳩羅不能如法如毗尼如佛教斷是事者  
是二烏迴鳩羅更立三烏迴鳩羅立法者一

心和合僧一比丘僧中問言誰能作烏迴鳩  
羅斷隨僧中事若言我能一比丘僧中唱言  
大德僧聽某甲某甲比丘能作烏迴鳩羅如  
法如毗尼如佛教斷隨僧中事若僧時到僧  
忍聽僧立某甲某甲比丘作烏迴鳩羅能如  
法斷隨僧中事是名白如是白二羯磨僧立

某甲某甲比丘作烏迴鳩羅斷隨僧中事竟  
僧忍默然故是事如是持是二烏迴鳩羅若  
是上座諸下座比丘應與欲已小遠去若二  
烏迴鳩羅是下座應從諸上座比丘取欲已  
小遠去當如法如毗尼如佛教斷是事若二  
烏迴鳩羅能如法如毗尼如佛教斷是事者

存五

六

是名爲斷用一毗尼所謂現前毗尼現前毗尼者僧現前人現前毗尼現前僧現前者如上說人現前毗尼現前亦如上說若是二鳥迴鳩羅不能如法斷者還付先二鳥迴鳩羅先二鳥迴鳩羅應如法如毗尼如佛教斷若能如法斷是事者是名爲斷用一毗尼謂現

前毗尼現前毗尼者僧現前人現前毗尼現前僧現前者如上說人現前毗尼現前亦如上說若是先二鳥迴鳩羅復不能如法如毗尼如佛教斷是事者應捨付僧僧應受是事如法如毗尼如佛教斷若僧取是事能如法如毗尼如佛教斷者是名爲斷用一毗尼謂

現前毗尼現前毗尼者僧現前人現前毗尼現前僧現前如上說人現前毗尼現前亦如上說僧不能如法如毗尼如佛教斷是事者僧應遣使往近住處僧所作是言此事如是如是因緣起闍賴吒不能斷衆僧不能斷二鳥迴鳩羅不能斷後二鳥迴鳩羅復不能斷

還先二鳥迴鳩羅復不能斷還僧復不能斷汝等大德和合爲斷是事故即時彼衆應和合若僧先安居應受七日去若七日盡應受三十九夜去若三十九夜盡應破安居來集一處受是事應斷近處僧應受是事如法如毗尼如佛教斷是事若近處僧能如法如毗尼

存五

七

尼如佛教斷者是名爲斷用一滅諍事滅所謂現前毗尼現前毗尼者僧現前人現前毗尼現前僧現前如上說人現前毗尼現前亦如上說若近處僧不能如法如毗尼如佛教斷是事者爾時應僧中應立二鳥迴鳩羅羯磨鳥迴鳩羅令斷羯磨法者一心和合僧一

比丘僧中問言誰能作鳥迴鳩羅如法如毗尼如佛教斷此隨僧中事是中若言我能若有五法不應立作何等五隨愛隨瞋隨怖隨癡不知斷不斷若成就五法應立作鳥迴鳩羅不隨愛不隨瞋不隨怖不隨癡知斷不斷即時一比丘僧中唱言大德僧聽某甲某甲

比丘能作烏迴鳩羅能如法斷隨僧中事若僧時到僧忍聽某甲比丘某甲比丘作烏迴鳩羅如法斷隨僧中事是名白如是白二羯磨僧立某甲某甲比丘作烏迴鳩羅斷隨僧事竟僧忍默然故是事如是持是二烏迴鳩羅比丘若是上座諸下座比丘應來與此二

烏迴鳩羅比丘欲已小遠去若此二烏迴鳩羅比丘是下座應從上座比丘取欲已小遠去當如法如毗尼如佛教斷是事是二烏迴鳩羅若能如法如毗尼如佛教斷是事者是名爲斷用一毗尼謂現前毗尼現前毗尼者僧現前人現前毗尼現前僧現前者如上說

人現前毗尼現前亦如上說若二烏迴鳩羅不能如法如毗尼如佛教斷是事者應更立二烏迴鳩羅立法者一心和合僧中問言誰能作烏迴鳩羅如法斷隨僧中事若言我能一比丘僧中唱言大德僧聽某甲某甲比丘能作烏迴鳩羅如法斷隨僧中事若僧時到

僧忍聽某甲某甲比丘作烏迴鳩羅斷隨僧中事是名白如是白二羯磨僧立某甲某甲比丘作烏迴鳩羅斷隨僧中事竟僧忍默然故是事如是持是二烏迴鳩羅若是上座諸下座比丘應與欲已小遠去若二烏迴鳩羅是下座應從諸上座取欲已小遠去應如法

存五

八

如毗尼如佛教斷是事者烏迴鳩羅能如法如毗尼如佛教斷是事者是名爲斷用一毗尼謂現前毗尼現前毗尼者僧現前人現前毗尼現前僧現前如上說人現前毗尼現前亦如上說若先烏迴鳩羅復不能如法如毗尼如佛教斷者應捨付僧僧

應受是事如法如毗尼如佛教斷用一毗尼  
 謂現前毗尼現前毗尼者僧現前人現前毗  
 尼現前僧現前如上說人現前毗尼現前亦  
 如上說若是近任處僧不能如法如毗尼如  
 佛教斷是事者近處僧若聞某處有眾僧好  
 上座知說波羅是木叉法是僧多有比丘持

修多羅者持律者持摩達伽者是近任處僧  
 應以是事遣使至某處大僧中應先立傳事  
 人若界外令滿眾僧數立法者一心和合僧  
 應問誰能作傳事人從是處持是事至某處  
 若道中能斷是事是中若有人言我能若有  
 五法不應立作傳事人隨愛隨瞋隨怖隨癡  
 存五  
 九

不知滅不滅若成就五法應立作傳事人不  
 隨愛不隨瞋不隨怖不隨癡知滅不滅爾時  
 傳事人應持是事去若道中能如法如毗尼  
 如佛教斷是事者是名為斷用一毗尼謂現  
 前毗尼現前毗尼者僧現前人現前毗尼現  
 前僧現前如上說人現前毗尼現前亦如上

說若傳事人不能道中如法如毗尼如佛教  
 斷者應持至彼任處至彼任處已是中若有  
 上座多知多識長老比丘應語是人言是事  
 是諍事如是如是因緣起闍賴吒不能斷眾  
 僧不能斷先二烏迴鳩羅不能斷後二烏迴  
 鳩羅不能斷還付先二烏迴鳩羅復不能斷

還付僧僧復不能斷近任處僧亦不能斷近  
 任處二烏迴鳩羅不能斷後二烏迴鳩羅亦  
 不能斷還付先二烏迴鳩羅復不能斷還付  
 近任處僧復不能斷傳事人道中不能斷是  
 事來至此間汝長老能受是事斷不若言能  
 斷應與作期若不作期不得與汝期者乃至

九月事有五種難斷一者堅二者強三者很  
 戾四者往來五者疑畏堅者執是事強者舉  
 事人有事人勦健強力很戾者舉事人有事  
 人惡性很戾往來者此事從一任處至一任  
 處疑畏者諸比丘畏斷事時彼一心和合僧  
 作兩段故先應立行籌人如是應立一心和



合僧應問誰能作行籌人是中有人言我能有五法不應立作行籌人隨愛隨瞋隨怖隨癡不知行籌不行籌若成就五法應立作行籌人不隨愛不隨瞋不隨怖不隨癡知行籌不行籌是中一比丘唱言大德僧聽某比丘能為僧作行籌人若僧時到僧忍聽僧立某

甲比丘作行籌人是名白如是白二羯磨僧立某比丘作行籌人竟僧忍默然故是事如是持若比丘已作行籌人隨僧多少應作二種籌一分長一分短一分白一分黑說如法者為作長籌說非法者為作短籌說如法者為作白籌說非法者為作黑籌說如法籌以

存五

十

右手捉說非法籌以左手捉說如法籌緩捉說非法籌急捉先行說如法籌後行說非法籌行籌人應作是言此是說如法者籌此是說非法者籌若行籌竟說如法者籌乃至多一是事名斷用二毗尼謂現前毗尼多覓毗尼現前毗尼者是中若有隨助舉事人有事

人共和合一處現前如法如毗尼如佛教現前除斷是名現前毗尼是中多覓毗尼者是中應求覓往來問如法除斷若說非法者籌乃至多一是事亦名為斷用二毗尼現前毗尼多覓毗尼現前毗尼者是中若有隨助舉事人及有事人共和合一處現前如法如毗

尼如佛教除斷是名現前毗尼是中多覓毗尼者是中應求覓往來問非法除斷行籌人有四種一者藏行籌二者顛倒行籌三者期行籌四者一切行籌藏行籌者若有人間中行籌若有壁障處行籌是名覆藏行籌顛倒行籌者若顛倒行籌以說如法人籌與說非

法人以說非法人籌與說如法人是名顛倒期者若諸比丘隨和尚阿闍梨作期隨同和尚同阿闍梨隨相識隨共語隨善知識隨同心隨國土隨聚落隨處共作期我等取如是如是籌汝等莫遠我邊莫別莫異莫不共語共同一事是名期一切僧取籌者爾時一切

存五

十二

僧應和合一處不得取欲何以故或多比丘說非法故是名一切僧取籌若是眾僧及大上座大長老能如法如毗尼如佛教斷是事者即名為斷用一毗尼謂現前毗尼是中現前毗尼者僧現前人現前毗尼現前僧現前如上說人現前毗尼現前亦如上說若是眾僧及上座說波羅提木又不能斷是事者應還付傳事人傳事人應取是事於道中斷如法如毗尼如佛教斷若是傳事人於道中能如法如毗尼如佛教斷是事者是名為斷用一毗尼謂現前毗尼現前毗尼有如上說若是傳事人不能如法如毗尼如佛教斷者是

比丘道中若聞彼處僧坊中若有三比丘若二若一比丘能持修多羅持律持摩得勒伽四部眾所恭敬尊重是傳事人應到彼住處應語一比丘言大德是事如是如是因緣起闍賴吒不能斷僧不能斷先烏迴鳩羅不能斷後烏迴鳩羅不能斷還先烏迴鳩羅復不

能斷還僧復不能斷近住處僧亦不能斷先烏迴鳩羅不能斷後烏迴鳩羅不能斷還先烏迴鳩羅復不能斷近住處僧復不能斷傳事人道中亦不能斷有大眾僧及上座知說波羅提木又不能斷傳事人於道中不能斷三比丘二比丘能持修多羅者持律者持摩得勒伽者四眾所恭敬者皆不能斷大德取是事如法如毗尼如佛教斷是事是一比丘四眾所恭敬尊重者應作是言不可二人相言俱得勝是中必一勝一負若作如是語者是名說如法者若不作如是語者是名說非法者若比丘如法滅事已還更發起者波逸提若但呵責突吉羅有十種如法行籌有十非法行籌十非法行籌者不以小事行籌已過事行籌不問長老行籌非法行籌別眾行籌非法別眾行籌用是行籌欲令多有非法者用是行籌當多有非法者用是行籌欲破和合僧用是行籌當破和合僧問言云何

存五

十二

名不以小事行籌答不為可懺悔事行籌已過事行籌者是事從此住處到彼住處不問長老行籌者有比丘持修多羅毗尼摩得勤伽者不數往諮問何善何不善何者有罪何者無罪何者白何者黑何者今世利何者後世利何者道利人行是好非惡非法行籌者

不如法行籌別眾行籌者同一界內別處行籌非法別眾行籌者不如法同一界中別處行籌用是行籌欲令多有非法者是比丘先作意用是行籌令多有說非法者用是行籌當多有比丘非法者是比丘先立意用是行籌當多有說非法者用是行籌欲破和合僧者是比丘先作意用是行籌令破和合僧用是行籌當破和合僧者是比丘先作意我行是籌當破和合僧是名十種非法行籌十如法行籌者以小事行籌未過事行籌問長老行籌如法行籌和合眾行籌如法和合眾行籌用是行籌欲令多有如法者用是行籌當

多有如法者用是行籌欲令僧和合用是行籌當和合僧問云何名以小事行籌答為可懺悔事行籌未過事行籌者是事在此住處未到彼住處問長老行籌者有比丘持修多羅毗尼摩得勤伽者數往諮問何善何不善何者有罪何者無罪何者白何者黑何者今

存五

十三

世利何者後世利何者道利人行是者好非惡如法行籌者不違法行籌和合眾行籌者同界內僧和合一處行籌如法和合眾行籌者如法同界內眾一處集行籌用是行籌者如法同界內眾一處集行籌用是行籌欲令多有如法者是比丘先作意以此行籌令多有說如法者用是行籌當多有比丘如法者是比丘先作意用是行籌當多有比丘說如法者用是行籌欲和合僧者是比丘先作意用是行籌欲令僧和合用是行籌當和合僧者是比丘先作意用是行籌當和合僧是名十如法行籌若僧事可付僧可付三人二人

一人僧事者僧應受僧事三人二人一人應受僧事僧應滅僧事三人二人一人應滅是名諍事用二毗尼滅云何無根事諍用四毗尼滅所謂現前及憶念滅若現前及不癡滅若現前及實覓罪滅云何現前及憶念滅如陀驪力士子比丘彌多羅比丘尼以無根波

羅夷法諍以是事故或僧或三人二人一人一人數數說是事令憶念是陀驪比丘從僧乞憶念毗尼僧與憶念毗尼如法如毗尼如佛教現前毗尼者所與憶念毗尼人得憶念毗尼者和合一處如法如毗尼如佛教高名現前及憶念毗尼滅云何現前及不癡滅如施越

沙比丘狂心顛倒作種種惡不清淨事不隨順道出家人所不應作是人還得本心以是事故或僧或三人二人一人數數說令憶念是施越沙比丘從僧乞不癡毗尼僧與不癡毗尼如法如毗尼如佛教是中何等是現前毗尼與不癡毗尼人得不癡毗尼者和合一

處如法如毗尼如佛教是名現前及不癡毗尼滅云何現前及實覓毗尼如象首比丘釋子無慚無愧犯見聞疑罪先自言犯後言不作僧與是人實覓毗尼如法如毗尼如佛教是中何等是現前毗尼與實覓毗尼人得實覓毗尼者和合一處如法如毗尼如佛教是

存五

十四

名現前毗尼及實覓毗尼如是名無根事用四毗尼滅所謂現前及憶念現前及不癡現前及實覓問犯罪事云何以三滅諍事滅答所謂現前及自言現前及布草云何現前及自言如比丘若他比丘說罪若不說罪若令憶念若不令憶念自言我犯僧伽婆尸沙是

比丘從僧乞別住僧如法如毗尼如佛教與別住是中云何名現前與別住人及得別住者和合一處如法如毗尼如佛教作作者與彼人作別住是中云何復名如法自言如毗尼若他比丘說若不說罪若令憶念若不令憶念自言我犯僧伽婆尸沙是應與摩那埵



本日治應與出罪是比丘從僧乞摩那埵本日治出罪羯磨僧如法如毗尼如佛教作出罪羯磨是事何等現前與出罪人得出罪者和合一處如法如毗尼如佛教作作者與是比丘作出罪是中云何復名如法自名如比丘若他說罪若不說罪若令憶念若不令憶

念自言我犯可悔過罪是中現前者與悔過人作悔過人和合一處如法如毗尼如佛教作作者作與可悔過是名現前毗尼及自言毗尼滅又問云何現前毗尼及布草如一住處諸比丘喜鬪諍惡口相言是諸比丘和合一處作是念言我等大衰夫利我等於佛法

存五

十五

中以信出家而今作惡口相言我等若求覓是事根本者未起事便起已起事不可滅是中一比丘應唱言大德僧聽若僧時到僧忍聽是事以布草毗尼滅是名白即時是諸比丘應分作兩部是中若有上座若似上座若波羅提木又通義若波羅提木又語此一部

言我等大失非得大衰非利大惡不善我等信故佛法中出家求道然今喜鬪諍相言若我等求是事根本者僧中有未起事便起已起不可滅今汝等當自屈意我等所作罪除偷蘭罪除白衣相應罪是事汝等現前發露悔過不覆藏是中若無一比丘語者應到第

二部眾所是中有長老上座應語言我等大失非得大衰非利大惡不善我等信故於佛法中出家求道今喜鬪諍相言若我等求是事根本者僧中未起事便起已起事不可滅今汝等當自屈意我等所作罪除偷蘭遮除白衣相應罪今自為及為彼故當現前發露

悔過不覆藏諸比丘言汝自見罪不答言見罪如法悔過莫復更起第二部眾亦應如是說是名布草毗尼是中云何名現前與布草人及得布草者和合一處如法如毗尼如佛教作作者與作布草羯磨是名現前及布草滅是名犯罪事用或毗尼滅所謂現前自言

布草問常所作事云何以一現前毗尼滅與  
作白人得作白者和合一處如法如毗尼如  
佛教作白一羯磨白二羯磨白四羯磨布薩  
說戒自恣受歲立十四人羯磨與羯磨人得  
羯磨者和合一處如法如毗尼如佛教作者  
是名常所行事用一毗尼滅所謂現前毗尼

八法中律事  
法第九竟

十六末

十誦律卷第三十五

存五

閻反他達 恨反上胡懸反驃反妙  
反下聖帝反馬反

十誦律卷第三十六

存六

姚秦三藏弗若多羅共三藏鳩摩羅什譯

第六誦之一

雜誦調達事初

佛在王舍城爾時調達於佛法中信敬心清  
淨著三十萬金錢直莊嚴具出家乘調善象

乙

王榮

直十萬金錢是象以金網等莊嚴亦直十萬  
金錢調達所著衣服復直十萬金錢是調達  
出家作比丘十二年中善心修行讀經誦經  
問疑受法坐禪爾時佛所說法皆悉讀誦時  
諸比丘有大神通勢力以閻浮樹故名閻浮  
提斯諸比丘從是閻浮樹取果還噉去閻浮  
樹不遠有訶梨勒林阿摩勒林鞞醯勒林取  
是諸果還所住噉從鬱單越取自然粳米還  
噉從忉利天取須陀天食還噉東西南北現  
種種神力調達見已即生貪心作是念我何  
時當能有大神通勢力以閻浮樹故名閻浮  
提從是閻浮樹取果還噉去閻浮樹不遠有  
訶梨勒林阿摩勒林鞞醯勒林取是諸果還  
所住噉從鬱單越取自然杭米還噉從忉利  
天取須陀食還噉東西南北現種種神力我  
今何不往詣佛所問神通道作是念已即詣  
佛所頭面禮佛問神通道佛先知是人於此  
法中當作惡事是故不說語言調達汝止何